

Ո Ր Ո Շ ՈՒ Մ N 62
/վարչական տույժ նշանակելու մասին/

«27» հոկտեմբերի 2018թ.

ք. Սիսիան

Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արա Ավետիսյանս, քննելով ՀՀ քաղաքացի Արթուր Սամվելի Միրզոյանի /անձնագիր՝ BA0126585/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ քաղաքացի Արթուր Սամվելի Միրզոյանի անվամբ 04.06.2017 թվականի թիվ 0000037912 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել MERCEDES-BENZ-S մակնիշի, 2/92307 հաշվարկման համարի ավտոմեքենան: Նշված ավտոմեքենայի ժամանակավոր ներմուծման ժամկետը երկարաձգվել է 30 օրով, սակայն սահմանված ժամկետում՝ 03.08.2017 թվականին, չի արտահանվել ՀՀ-ից, որի արդյունքում խախտվել է հետագա վերաարտահանման պարտավորությունը:

ՀՀ ՊԵԿ Հարավային մաքսատուն-վարչության ԳՀՀ բաժնի գլխավոր մաքսային տեսուչի կողմից 22.10.2018 թվականին ՀՀ քաղաքացի Արթուր Սամվելի Միրզոյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

04.06.2017 թվականի թիվ 0000037912 մաքսային մուտքի օրդերի համաձայն MERCEDES-BENZ-S մակնիշի 1995 թվականի արտադրության ավտոմեքենայի մաքսային արժեքը կազմում է 2892720 ՀՀ դրամ:

Վարչական վարույթի շրջանակներում 23.10.2018 թվականին թիվ 23-2/[1826629]-18 գրությամբ հարցում է արվել Ներքին անվտանգության վարչությանը՝ ՀՀ քաղաքացի Արթուր Սամվելի Միրզոյանի սահմանափակումների պատմությունը ստանալու նպատակով: Ներքին անվտանգության վարչությունից 23.10.2018 թվականի թիվ 1-4/[1827211]-18 գրությամբ ստացված տեղեկատվության համաձայն 04.06.2018 թվականին ՀՀ քաղաքացի Արթուր Սամվելի Միրզոյանի MERCEDES-BENZ-S մակնիշի, 2/92307 հաշվարկման համարի ավտոմեքենան

Մեղրիի մաքսային կետով անցել է Հայաստանի Հանրապետություն, սակայն ՀՀ-ից սահմանված ժամկետում չի վերաարտահանել MERCEDES-BENZ-S մակնիշի, 2/92307 հաշվարկման համարի ավտոմեքենան, սակայն ինքնաթիռով Զվարթնոց սահմանային կետով 276 ավիա չվերթով 22.08.2018 թվականին գնացել է ՀՀ-ից:

Այսպիսով, մաքսային կանոնների խախտման վերաբերյալ վարույթի նյութերով հիմնավորվում է, որ ՀՀ քաղաքացի Արթուր Սամվելի Միրզոյանի անվամբ 04.06.2017 թվականի թիվ 0000037912 մաքսային մուտքի օրդերի «Ժամանակավոր ներմուծում» մաքսային ընթացակարգով ներմուծված MERCEDES-BENZ-S մակնիշի, 2/92307 հաշվարկման համարի ավտոմեքենան սահմանված ժամկետում չի արտահանվել, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:


Ելնելով վերոգրյալից և ղեկավարվելով ՀՀ մաքսային օրենսգրքի 219, 221 հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի Արթուր Սամվելի Միրզոյանի ենթարկել վարչական պատասխանատվության՝ տուգանելով **752110 ՀՀ դրամի** չափով:
2. Որոշման մասին հայտնել ՀՀ քաղաքացի Արթուր Սամվելի Միրզոյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% 526477 դրամ և 900293063013՝ գումարի 30% 225633 դրամ (ՀՀ պետական բյուջե, կենտրոնական գանձապետարան, Հարավային մարսապուրն-վարչություն, ԿՈՂ 30):

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

Մ/Ծ ԳՆԴԱՊԵՏ  ԱՐԱ ԱՎԵՏԻՍՅԱՆ